



Հաստատված է
ՀԱԱՀ գիտական խորհրդում
„21“, 10 2021թ.
(արձանագրություն № 2)

Վավերացնում եմ
Վ. Ուռուտյան
„22“, 10 2021 թ.

ՄԻՋԱԶԳԱՅԻՆ ԿՐԵԴԻՏԱՅԻՆ ՇԱՐԺՈՒՆՈՒԹՅԱՆ ԱՐԴՅՈՒՆՔՆԵՐԻ ՓՈԽՃԱՆԱԶՄԱՆ ԸՆԹԱՑԱԿԱՐԳ

Բովանդակություն

ՀԻՄՔԵՐ	1
ԸՆԴՀԱՆՈՒՐ ԴՐՈՒՅԹՆԵՐ	2
ԿՐԵԴԻՏՆԵՐԻ ՃԱՆԱԶՄԱՆ ԵՎ ԳՆԱՀԱՏԱԿԱՆՆԵՐԻ ՓՈԽԱՐԿՄԱՆ ԿԱՐԳԸ	4
ԿՐԵԴԻՏՆԵՐԻ ՃԱՆԱԶՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ	6

ՀԻՄՔԵՐ

Սույն ընթացակարգի համար փաստաթղթային հենք են ծառայել.

- Հայաստանի Հանրապետության կառավարության որոշում N1240
Բարձրագույն ուսումնական հաստատություններում սովորողների ակադեմիական շարժունության կարգը հաստատելու և Հայաստանի Հանրապետության կառավարության 2009 թվականի հուլիսի 16-ի N938-ն որոշումն ուժը կորցրած ճանաչելու մասին (25.08.2011)
<https://www.arlis.am/DocumentView.aspx?DocID=70813>
- Հայաստանի Հանրապետության Կրթության և գիտության նախարարի հրաման N1676
Հայաստանի Հանրապետության Կրթության և գիտության նախարարի 2011 թվականի նոյեմբերի 17-ի N1242-ն հրամանի մեջ փոփոխություն կատարելու մասին (17.12.2017)
<https://www.arlis.am/DocumentView.aspx?docid=127435>
- ECTS Ուղեցույց 2015
<https://erasmusplus.am/home/wp-content/uploads/2018/11/Uxecuyc-2017-verjnakan.pdf>

4. ՀԱԱՀ Միջազգային ծրագրերի մասնակիցների մրցույթների կազմակերպման և անցկացման ընթացակարգ (20.10.2017)
https://old.anau.am/images/stories/contentpic/artaqinkaper/Yntacakarg-mijazgayin_cragreri_mrcuytneri_anckacman.pdf
5. Հայաստանի Հանրապետության մասնագիտական կրթական համակարգի՝ եվրոպական բարձրագույն կրթական տարածքին ինտեգրման գործընթացի ընդլայնման ծրագիր
https://www.e-gov.am/u_files/file/decrees/arc_voroshum/2012/03/MAR10-14_1.pdf
6. ECTS Users' guide
https://ec.europa.eu/education/ects/users-guide/docs/ects-users-guide_en.pdf
7. Erasmus+ International Credit Mobility: Handbook
https://ec.europa.eu/programmes/erasmus-plus/sites/erasmusplus/files/international-credit-mobility-handbook_en.pdf
8. Erasmus Charter for Higher Education 2014-2020
https://eacea.ec.europa.eu/erasmus-plus/funding/erasmus-charter-for-higher-education-2014-2020_en
9. The European recognition Manual for Higher education Institutions
<http://eurorecognition.eu/Manual/EAR%20HEI.pdf>
10. Erasmus+ Student Charter
https://ec.europa.eu/programmes/erasmus-plus/resources/documents/applicants/student-charter_en
11. Your Rights as a mobility student
<https://op.europa.eu/en/publication-detail/-/publication/25f4644f-5c2c-44ba-ac8b-b7b4a2c701b0>
12. EHEA Strategy "Mobility for Better Learning"
<https://www.cmepius.si/wp-content/uploads/2014/02/2012-EHEA-Mobility-Strategy.pdf>
13. Erasmus+ Programme Guide 2020
https://ec.europa.eu/programmes/erasmus-plus/resources/documents/erasmus-programme-guide-2020_en

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Հայաստանի ազգային ագրարային համալսարանի (ՀԱԱՀ) Միջազգային կրեդիտային շարժունության արդյունքների փոխճանաչման ընթացակարգի (այսուհետ՝ Ընթացակարգ) նպատակն է սահմանել օտարերկրյա ուսումնական հաստատություններում բակալավրի ուսանողների, մագիստրանտների, աստիճանային և հետազոտողների (այսուհետ՝ ուսանող) ձեռքբերած կրեդիտների կուտակման, փոխանցման և ճանաչման գործընթացները ՀԱԱՀ-ում:
- 1.2 Միջազգային ակադեմիական շարժունությունը (այսուհետ՝ ՄԱՇ) ակադեմիական շարժունության տարատեսակ է, որը ենթադրում է օտարերկրյա բուհերում (ընդունող բուհ), որևէ կրթական մակարդակում ուղարկող բուհի ուսանողների կարճաժամկետ առկա ուսուցում և/կամ պրակտիկայի անցկացում: ՄԱՇ-ի ժամկետները, ֆինանսավորումը և այլ

կարգավորումները կախված են այն ծրագրից, որի շրջանակներում իրականացվում է շարժունությունը:

1.3 ՄԱՇ-ը կարող է կազմակերպվել՝

- ԵՄ-ի կողմից ֆինանսավորվող Էրազմուս+ հիմնական գործողություն-1 ծրագրերի շրջանակներում,
- ՀՀ Կրթության, գիտության, մշակույթի և սպորտի նախարարության կողմից կնքված միջպետական համաձայնագրերի շրջանակներում,
- ՀԱԱՀ և օտարերկրյա բուհերի միջև կնքված երկկողմ համաձայնագրերի շրջանակներում,
- Միջազգային այլ դրամաշնորհներով նախատեսված շարժունության բաղադրիչների շրջանակներում,
- Անհատական նախաձեռնությամբ և օտարերկրյա ուսումնական հաստատությունների հրավերով (ազատ տեղաշարժվող ուսանող):

1.4 ՀԱԱՀ-ում ՄԱՇ-ի կրեդիտների փոխճանաչման համար հիմնական պատասխանատուներն են դեկանատները և/կամ կրթական ծրագրերի պատասխանատուները (*ակադեմիական պատասխանատուներ*), Միջազգային կապերի դեպարտամենտը (*ինստիտուցիոնալ պատասխանատու*), ինչպես նաև Ուսումնական գործընթացի կառավարման վարչությունը:

1.5 Սույն ընթացակարգը նպատակ ունի նպաստել ՀԱԱՀ սովորողների և հետազոտողների մասնակցությանը ՄԱՇ-ի ծրագրերին և կրեդիտների կուտակմանը, փոխանցմանն ու ճանաչմանը՝ դրանով իսկ խթանելով բուհի միջազգայնացումը:

1.6 Ուսումնական գործընթացի կառավարման վարչությունը և Որակի գնահատման և ապահովման կենտրոնը իրավասու են հետևելու և գնահատելու կրեդիտների կուտակման և ճանաչման ողջ գործընթացը:

1.7 Որակի գնահատման և ապահովման կենտրոնը և Միջազգային կապերի դեպարտամենտը (այսուհետ՝ ՄԿԴ) ապահովում են կրեդիտների ճանաչման և փոխանցման մշտադիտարկման հստակ մեխանիզմները:

1.8 Միջազգային կապերի դեպարտամենտը աջակցում է ՄԱՇ-ի կազմակերպմանը, անհրաժեշտության դեպքում՝ ընդունող համալսարանի հետ կապի ապահովմանը և լրացուցիչ տեղեկատվության տրամադրմանը:

1.9 Կրեդիտների ճանաչման գործընթացը և համապատասխան տեղեկատվությունը շահագրգիռ կողմերի համար պետք է լինի թափանցիկ և հասանելի:

1.10 Սույն ընթացակարգը հաստատվում, փոփոխությունների և/կամ լրացումների է ենթարկվում ՀԱԱՀ գիտական խորհրդի որոշմամբ Միջազգային կապերի դեպարտամենտի կամ այլ շահագրգիռ կողմերի առաջարկությամբ: Այն պետք է վերանայվի ՀԱԱՀ-ի արտաքին և ներքին միջավայրերի փոփոխություններին զուգընթաց, ըստ անհրաժեշտության:

2. ԿՐԵԴԻՏՆԵՐԻ ՃԱՆԱՉՄԱՆ ԵՎ ԳՆԱՀԱՏԱԿԱՆՆԵՐԻ ՓՈԽԱՐԿՄԱՆ ԿԱՐԳԸ

2.1 ՀԱԱՀ-ում կրեդիտների կուտակման և ճանաչման գործընթացը հիմնված է Կրեդիտների կուտակման և փոխանցման եվրոպական համակարգի (ECTS), շարժունության մասնակցի

ուսումնական պլանի, կրթական ծրագրի ու կրթական բաղադրիչների վերջնարդյունքների վրա:

- 2.2 Շարժունության ընթացքում կուտակված կրեդիտները չպետք է գերազանցեն համապատասխան որակավորում ստանալու համար անհրաժեշտ ընդհանուր ուսումնական ծանրաբեռնվածության բակալավրի կրթական ծրագրի 25 տոկոսը, մագիստրոսի կրթական ծրագրի 50 տոկոսը և հետազոտողի կրթական ծրագրի 30 տոկոսը (հիմք՝ ՀՀ կառավարության N1240 որոշում, 2-րդ բաժին կետ 8):
- 2.3 Կրեդիտների ճանաչման համար հիմք է հանդիսանում ընդունող համալսարանում դրական արդյունքով ավարտված դասընթացների և/կամ դրանց վերջնարդյունքների համապատասխանությունը ՀԱԱՀ-ի դասընթացների վերջնարդյունքներին:
- 2.4 Մինչև շարժունության գործընթացի սկիզբը՝ դեկանի և/կամ կրթական ծրագրի պատասխանատուի հետ համաձայնեցնելով, Մասնակիցը կնքում է Ուսումնառության պայմանագիր կամ համանման այլ փաստաթուղթ (այսուհետ՝ ՈԽՊ), ինչը նախատեսված է շարժունության տվյալ ծրագրով:
- 2.5 Ընդունող համալսարանի կողմից առաջարկված և ուսանողի կողմից ընտրված դասընթացների կրեդիտների առնվազն 1/3-ը պետք է համապատասխանի ՀԱԱՀ-ի տվյալ կիսամյակի կրեդիտներին:
- 2.6 Եթե ՄԱՇ-ի ժամանակ դրական գնահատակով ավարտված դասընթացի կրեդիտների քանակը և վերջնարդյունքները համընկնում են ՀԱԱՀ-ում համապատասխան դասընթացի վերջնարդյունքներին նվազագույնը 80 %-ով, ապա ուսանողը ազատվում է տվյալ դասընթացի հանձնումից կամ վերահանձնումից ՀԱԱՀ-ում:
- 2.7 Եթե դասընթացի կրեդիտների քանակը ավելի քիչ է ՀԱԱՀ-ում համապատասխանող դասընթացի կրեդիտից, իսկ դասընթացի վերջնարդյունքների համապատասխանությունը 80 %-ից քիչ է, ապա ուսանողը լրացնում է պակասող կրեդիտների քանակը համաձայն դեկանատի և ամբիոնի հանձնարարականի համաձայն (օրինակ՝ ինքնուրույն աշխատանքի ներկայացում, անհատական հետազոտություն և այլն), ինչի համար ստանում է պակասող կրեդիտները և գնահատականը: Այս դեպքում ուսանողի վերջնական գնահատականը ձևավորվում է վերոնշյալ գնահատականների միջին թվաբանականի արժեքով: Իսկ եթե ընդունող համալսարանի և ՀԱԱՀ-ի դասընթացների վերջնարդյունքների համապատասխանությունը 80 %-ից բարձր է, ապա ճանաչվում է ՀԱԱՀ-ում նախատեսված կրեդիտների քանակը:
- 2.8 Եթե ընդունող համալսարանում ուսանողը ունեցել է դասընթաց, որն ավարտվել է առանց գնահատականի, իսկ ՀԱԱՀ-ի համապատասխան դասընթացն ավարտվում է քննությամբ, ապա ՀԱԱՀ-ի կողմից ճանաչվում են տվյալ դասընթացի կրեդիտները, իսկ որպես գնահատական նշանակվում է կամ ՀԱԱՀ-ում սահմանված քննական նվազագույն անցողիկ գնահատականը (ուսանողի համաձայնությամբ) կամ կազմակերպվում է քննություն տվյալ դասընթացից:
- 2.9 Ֆորսմաժորային իրավիճակներում կամ երբ ընդունող համալսարանի կողմից ՈւՊ-ով նախատեսված դասընթացներից մեկը կամ մի քանիսը չեն կազմակերպվել կամ խոչընդոտներ են ստեղծվել (դասընթացը հասանելի է եղել միայն մայրենի լեզվով, չեն

տրամադրվել անգլերեն լեզվով նյութեր և այլն), ուսանողը հնարավորություն է ստանում **հանձնել** տվյալ դասընթացը/ները ՀԱԱՀ-ում:

- 2.10 Եթե ուսանողը չի ներկայացնում դրական գնահատականներ և համապատասխան կրեդիտներ այն դասընթացներից, որոնք համապատասխանում են ՀԱԱՀ-ի տվյալ կիսամյակի դասընթացներին, ապա համարվում է, որ նա ձախողել է տվյալ դասընթացի քննությունը և վերադարձից հետո ուսանողը մասնակցում է ՀԱԱՀ-ի տվյալ դասընթացների **առաջին վերահանձնմանը**:
- 2.11 Եթե ուսանողը ձախողել է ՀԱԱՀ-ի այլ կիսամյակներից ընտրված դասընթացները, ապա պարտավորվում է հաճախել դրանց համապատասխան կիսամյակում:
- 2.12 ՄԱՇ-ի արդյունքները ամրագրվում են ուսանողի անհատական ակադեմիական տեղեկագրում և դիպլոմի հավելվածում:
- 2.13 ՄԱՇ-ի ընթացքում ձեռք բերված կրեդիտները, որոնք ամրագրված են համապատասխան պաշտոնական փաստաթղթում և համապատասխանում են ՀԱԱՀ-ի համապատասխան դասընթացներին, ճանաչվում են ՀԱԱՀ-ի կողմից և արտահայտվում են ուսանողի միջին որակական գնահատականի (ՄՈԳ) հաշվարկում:
- 2.14 ՄԱՇ-ի ընթացքում ձեռքբերված այն այն դասընթացներն ու կրեդիտները, որոնք նախատեսված չեն ՀԱԱՀ-ի ուսումնական պլանով, նշվում են ուսանողի ակադեմիական տեղեկագրի և դիպլոմի հավելվածի *ուսումնական արտապլանային առարկաների* (Extracurricular) բաժնում և չեն ազդում ուսանողի ՄՈԳ-ի ձևավորման վրա:
- 2.15 Եթե տվյալ դասընթացի հաշվով կուտակված կրեդիտների քանակը գերազանցում է ՀԱԱՀ-ում համապատասխան դասընթացի կրեդիտներին, ապա ճանաչվում է ՀԱԱՀ ուսումնական պլանով նախատեսված կրեդիտներին համապատասխան կրեդիտների քանակը, իսկ հավելյալ կրեդիտների քանակը կարող է նշվել որպես ուսումնական արտապլանային:
- 2.16 Եթե տվյալ դասընթացի վերջնարդյունքները, բացի հիմնական դասընթացից, մասնակի կամ ամբողջությամբ ծածկում են ՀԱԱՀ-ի ուսումնական պլանով նախատեսված մեկ այլ դասընթացի վերջնարդյունքներ ևս, ապա ճանաչվում են և՛ հիմնական, և՛ լրացուցիչ դասընթացների կրեդիտները:
- 2.17 Եթե ՄԱՇ-ի դասընթացի վերջնարդյունքները համապատասխանում են ՀԱԱՀ-ի մեկից ավելի դասընթացների վերջնարդյունքներին, ապա այդ դասընթացի գնահատականը նույնությամբ փոխանցվում է դրանց:
- 2.18 Եթե ՀԱԱՀ-ի և ընդունող բուհի գնահատման համակարգերը նույնն են, ապա ուսանողի գնահատականը փոխանցվում է նույնությամբ:
- 2.19 Եթե ՀԱԱՀ-ի և ընդունող բուհի գնահատման համակարգերը տարբեր են, ապա ՄԿԴ-ի օժանդակությամբ դեկանատի կողմից պետք է կատարվի գնահատականների փոխարկում երկու բուհերի գնահատման համակարգերի համադրմամբ: Այս դեպքում որպես վերջնական գնահատական ճանաչվում է ձևավորված առավելագույն գնահատականը:
- 2.20 Եթե նախատեսվող ՄԱՇ-ը չի ներառում համարժեք պրակտիկա և համընկնում է ՀԱԱՀ-ի տվյալ կիսամյակում նախատեսված պրակտիկայի ժամկետներին, ապա ուսանողը չի կարող մասնակցել ՄԱՇ-ին: Նման դեպքերում ուսանողի մասնակցությունը շարժունությանը հնարավոր կլինի միայն բացառիկ դեպքերում, երբ համապատասխան դեկանատը և

ամբիոնը հավաստեն, որ ուսանողի վերադարձից հետո կարող են իրականացնել լրացուցիչ պրակտիկա:

- 2.21 Բակալավրի մակարդակում ձեռքբերված կրեդիտները մագիստրոսական մակարդակում ընդունվում են միայն բացառիկ դեպքերում՝ դեկանատի և/կամ կրթական ծրագրի պատասխանատուների, Ուսումնական գործընթացի կառավարման վարչության քննարկումների արդյունքում:

3. ԿՐԵԴԻՏՆԵՐԻ ՃԱՆԱԶՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

- 3.1 Ժամանումից հետո 30 օրվա ընթացքում ուսանողը պետք է դեկանատ ներկայացնի հետևյալ փաստաթղթերը՝
- Դիմում-հայտ,
 - ՈւՊ (հետադիմությունության բաժինը լրացված, կնքված) և/կամ գնահատականների ներդիր, կամ այլ պաշտոնական փաստաթուղթ՝ տրված ընդունող համալսարանից, որը վկայում է շարժունության մասնակցի կողմից դասերի մասնակցության, կրեդիտների ձեռքբերման և գնահատականների մասին:
 - Անհրաժեշտության դեպքում դասընթացների նկարագիր, վերջնարարդյունքներ և այլ փաստաթղթեր:
- 3.2 Եթե վերոհիշյալ ժամկետում ուսանողը ընդունող համալսարանից ստացած չի լինում ՈւՊ-ն և/կամ գնահատականների ներդիրը, հետագա գործընթացները որոշվում են դեկանատի, ուսանողի և Միջազգային կապերի դեպարտամենտի քննարկումների արդյունքում:
- 3.3 Փաստաթղթերը ներկայացնելուց հետո անհրաժեշտության դեպքում 5 աշխատանքային օրվա ընթացքում դեկանատը ուսանողից կարող է պահանջել լրացուցիչ փաստաթղթեր:
- 3.4 Դիմում-հայտը ներկայացնելուց հետո 5 աշխատանքային օրվա ընթացքում դեկանատը և/կամ կրթական ծրագրի պատասխանատուն ուսումնասիրում են ուսանողի փաստաթղթային փաթեթը և որոշում կայացնելու համար կազմակերպում քննարկում Ուսումնական գործընթացի կառավարման վարչության, Միջազգային կապերի դեպարտամենտի և/կամ ուսանողի մասնակցությամբ: Քննարկման արդյունքների հիման վրա դեկանատի կողմից կազմվում է համապատասխան արձանագրություն և որոշում՝ կրեդիտների ճանաչման վերաբերյալ և հրաման:
- 3.5 Ծանուցում ստանալուց հետո 3 աշխատանքային օրվա ընթացքում ուսանողը իրավունք ունի բողոքարկել կայացված որոշումը՝ ներկայացնելով դիմում-բողոք, որին դեկանատը պարտավոր է պատասխանել 3 աշխատանքային օրվա ընթացքում: